

催埋單踩上門 黃店惡過黑幫

「黃客」食飯慘變「速食賽」 投訴反遭起底約「傾偈」



黃店惡行錄

食個飯都會俾人起底兼踩上門，冇錯，「黃店」就係可以咁癲咁囂張。有個女顧客喺facebook「黃谷」開post，話陪個仔去「黃店」「大統領」慶生，點知每食十分鐘就俾人催一次，好似趕住去投胎咁，最後食咗50分鐘就要埋單走人，反問係咪「速食比賽」。之後唔少網民都留言話有類似經歷，但更離譜嘅係個店主竟然直接踩上事主屋企要約佢傾吓件事，唔少網民都鬧爆「大統領」惡過黑社會，仲毫無悔意，網民呼籲大家罷食。

■香港文匯報記者 郭家好

名叫「Kiki Lam」嘅事主日前喺fb發帖，話佢個仔16歲生日，本身想好好地陪佢去粉嶺「黃店」「大統領」慶生啦，但7時42分到達店舖後，30分鐘之後就催一次，40分鐘再催一次，50分鐘之後話佢哋已經食咗好耐，要佢埋單即走，成餐飯食咗唔夠一個鐘，事主都忍唔住問網民：「到底以北區標準，正常出街食個晚飯，限時幾多分鐘？速食比賽？我從未食過咁趕，咁受氣（嘅）生日飯……一個鐘內離開，你都仲可以指責我？」

之後，事主打去「大統領」，想同個老闆講「良心」，然而當晚催佢埋單嗰個中年女士就話自己係老闆，解釋當日趕佢係因為外面有人訂咗枱嘅，講咗幾十秒就收線，後來又打返界事主開佢波，話知道事主抹黑佢嘅，真係惡到霸氣外露。

事主一度諗住叫埋班網民去「大統領」「反映意見」，「大統領」都擺出一副放馬過嚟嘅姿態，事主結果就話當日小朋友病咗所以放飛機。

以為件事告一段落，但「大統領」個老闆竟然溫到事主地址，仲踩上門問事主幾時約時間傾吓件事，真係十級驚嚇。據事主講，當日晏晝「我一家食飯，你可以帶人入我屋企，企我飯枱邊？起底好叻？今次係我食午飯，如果下次我冲（冲）涼你又打算自己入屋？」事主話將會搵律師申請禁制令，禁止「大統領」發放佢家人嘅任何資訊。

「黃店」辯稱「被邀」上門冇人信

不過，「大統領」就以一副敷衍態度道歉，但對自己踩上門一事毫無悔意，話係「既然聯絡到老板（闆），事主咁忙邀請老板（闆）去面談，我都叫左（咗）佢放心拍片，我唔會錄佢既（嘅），我只會錄音」，所以「被邀請」上事主屋企嘅。但根據相關片段顯示，疑似「大統領」老闆嘅人係企嚟開門外呼叫事主，一啲都唔似「被邀請」嘅，「大統領」呢個解釋係咪太牽強

呢？

事主就話：「佢哋無可能咁樣上門～我食個飯咋嘅……今次企去（嘅）飯枱邊～下次呢？好似要上門拉人咁。」後來，「大統領」老闆就事件再次出道歉聲明，但就死雞撐飯蓋地話當日踩上門嘅原意係想同事主道歉，點知再次「被誤解」嘅，又稱瓜田李下再多正確嘅理由都於事無補，呢啲味就係「黃店」之所以為「黃店」嘅底氣囉。

連網民都睇唔過眼「大統領」咁囂張，「Leanne Wong」狠批：「真係好搞笑囉，居然話事主『邀請』你去人地（哋）屋企，如果係真應該請你入屋坐，比（界）杯茶你飲啦！」「Tai Man Chan」亦話：「哇起人底仲要未問過人走去人地（哋）屋企，呢個似恐嚇多啲嘅！」「Nga Nga」就話「開鋪頭開到好似黑社會咁，不知所謂。」唔少網民都叫大家罷食「大統領」，等呢啲劣質「黃店」執笠嘅，唔知其他劣質「黃店」驚唔驚呢？



網議政事

生而為人，最起码要尊重死者，但偏偏「Lunch 仔」李國永嘅日就喺facebook發帖，號召支持者去油麻地火警案發現場外搞「悼念會」，更嘅現場睇《蘋果日報》扮「抗爭」。咁嘅行為連攞炒派油尖旺區議員林兆彬都質問佢：「抽夠死人水未？」

油麻地一幢唐樓前晚發生奪命火警，當大家都關心點樣支援佢哋時，「Lunch 仔」嘅日發帖號召支持者去案發現場外搞「悼念會」。點知「Lunch 仔」去到現場又做返自己「老本行」，扮份《蘋果》出嚟睇。更過分嘅係，佢仲係fb度post「我已到達」及兩個滿帶笑容嘅表情符號，似乎好滿意自己嘅行為。

唔少攞炒派都睇唔過眼，林兆彬問佢「抽夠死人水未」，仲叫人unlike「Lunch 仔」個專頁。網民方面亦差不多一面倒圍鬧「Lunch 仔」，怒斥佢無腦兼過火。「羅喬峰」認為大家要合力抵制佢：「擺光環，擺畫面，真心白癡會紅係因為大家仲會比（界）attention（注意力）佢。」「Liu Kai Cheong」質疑佢去現場「抗爭」乜，「果（個）度係火災現場，你去果（個）度睇報紙可以做到咩效果？同咩人『抗爭』緊？」「Tony Yeung」就認為「Lunch 仔」唔可以用中學生身份做藉口，「唔關你年紀事，10歲都識，現在真心相信你係博出位出鏡，請尊重死者，（現場）不合適任何活動，比（界）D（啲）正常智慧。」

■香港文匯報記者 郭家好

「主留」「鬧辭」佢講晒 鍾劍華被批「雙標學棍」



黃店惡行錄

傳統「飯民」食相難睇咁，延任立法會議員後，近日又因為DQ4事件「鬧辭」，轉軚轉到支持者都跟唔上，但就俾「抗爭派」恥笑批評。

「香港民意研究所」副行政總裁鍾劍華日前就喺facebook發千字文，鬧班「抗爭派」抽水係「雙重標準」，仲暗示佢哋係「王八」。不過，中文大學「獨」講師劉正嘅facebook專頁「無神論者的巴別塔」就反鬧鍾劍華之前話留嚟立法會做到幾多嘢，嘅家就「厚顏無恥咁掉番（調返）轉頭」，「雙重標準邊夠你條學棍黎（嚟）？」

傳統「飯民」早前為咗留嚟議會，民調再民調後終於得到可以由佢哋自己做決定嘅「結果」，當時班人仲口響誓話會喺「議會戰線」呢樣嘅樣，點知轉頭又止血「鬧辭」，自然俾「抗爭派」鬧係自取其辱、背棄承諾。

鍾批「抗爭派」抽「鬧辭」水

一直「主留」兼幫手搞「延任民調」嘅鍾劍華，日前為咗幫傳統「飯民」嘅「鬧辭」護航，竟然聲稱嘅家「鬧辭」係有「較大政治衝擊力」，真係唔知衝擊到邊個嘅。佢仲鬧爆班「抗爭派」：「擺到明

支持某個『散水派別』的那些嘍囉……何必在面對共同的強敵時還要抽水，還要自相殘殺……有人說『如果一早拒絕延任，就不會搞到現在這個局面』……現在這個時候還要這樣抽水的，可能也真的是背脊敲得響的生物……班人真係九唔搭八，永遠都係雙重標準！」睇住佢九唔搭八咁暗示「抗爭派」係「王八」，呢種「學者風範」真係令人震驚。

不過，「抗爭派」又邊有咁易被鬧退。「無神論者的巴別塔」就踢爆鍾劍華：「呢位鍾劍華當日已被我踢爆幫『飯民』操作假民調……仲要響公佈（布）結果記

者會入面急不及待撲出黎（嚟）領功；然後今日又重施故技（伎）……『鍾廢老』係咪唔記得咗，當日你講到留嚟『臨立會』可以做倒（到）呢樣果（個）樣幾×多嘢？然後一個月後你可以厚顏無恥咁掉番（調返）轉頭話應該『總辭』？雙重標準邊夠你條學棍黎（嚟）？」

「無神論者的巴別塔」仲話鍾劍華同公民黨主席梁家傑一樣，根本就係反應極慢，「留嚟世界就係一種對民主運動嘅負累，勸佢早日收皮咪×再為害世人。」

「Ricardo Chan」亦嘅鍾劍華個post度留言：「2020年仲係不思進取，諉過於人嘅態度。」睇嚟有埋議員身份嘅傳統「飯民」，今次真係咩都有嘅。

■香港文匯報記者 黃書蘭

堅決擁護全國人大常委會 關於香港特別行政區立法會 議員資格問題的決定 全力支持香港特區政府 依法宣布被DQ議員喪失延任資格



新界潮人總會

主席：莊健成

副主席：彭少衍

林國良

暨

周厚立

姚逸華

全體會董同仁

陳成耀

陳義光

陳偉璇

大埔潮州同鄉會
元朗區潮州同鄉會
元朗潮僑孟蘭勝會
將軍澳潮州同鄉會
石籬福德善社

荃灣潮僑孟蘭勝會
沙田潮僑福利會
元朗錦田八鄉大江埔潮僑孟蘭會
粉嶺潮僑會館
荃灣潮僑街坊孟蘭勝會

深井潮州同鄉會
深井潮僑街坊孟蘭勝會
粉嶺潮僑孟蘭勝會

（排名不分先後）